



國朝典故
七

73
5110
7

共十三



8保7
5/10
13-7

國朝典故卷之七

備

○中宗甲午幸學親祭行大射禮，畢宴羣臣翌日又宴儒生于闕庭初。上欲與百官同宴而以其衆多只宴羣臣而儒生則賜宴于闕庭時有言其紛擾難便者。上曰曩者燕小行此禮而不饋儒生子甚非之儒生雖多可以供饋矣。

備

○中宗癸卯嶺南儒生裴紳李濟臣遊太學倡議曰首善之地何可使長幼無序宜以齒坐遂行於東西下齋又欲推以行諸上舍人多不悅於是諸生質于師長大司成李浚慶司成宋世珩皆以為是獨知成均成世昌非之曰孔門亦有齒坐否其法遂不行。

備

○中宗朝以副提學李荇移拜大司成。教曰以副學為大司成舊無是例但作人為重故特授之。

○中廟朝金正國方為吏郎而廟堂以國學教誨為重不拘親嫌以其兄安國移授司成名臣錄

備

○明宗八年 上憂學校廢弛將極擇教育之任大臣請用堂下有文行者遂以副應教李滉擢拜大司成後堂下而直拜者古所罕有也後柳希春禹性傳亦以堂下擢拜

○有學田為富商冒耕歲久不問學諭柳仲郢按籍推之賢庫直長

辨對因言此田實公家養士之資公必欲棄而與富商大賈何意耶判書怒甚捏辭啓罷然田竟屬學西厓集碑

○宣廟庚寅 上教欲以成渾為大司成以付作成之責收議大臣而議不一事遂寢年譜

○泮試節日製儒生庭揖自知館事盧守慎始詳科制付白間話

○宣廟朝三公率六卿入太學試諸生諸生序列拜於庭下進士禹伏龍獨揖而不拜禮官召責之伏龍對曰非君臨之禮諸生不當拜庭下自 世祖為國相時始行此禮其後趙文正公以為非禮罷之及南家為相既嘗多殺士類怒諸生諂已遂復其拜小儒未達其宜不敢拜皆稱善定為揖禮眉

史記言

備○宣祖朝太學諸生為後祀疏序坐闕門之外時 元宗以親王子之尊乘馬過其前多士罰其後者 上聞之喜曰士

風固如是予亦培養而已矣

○成均館正錄廳自古以來上直官每記時政之大者名曰玄冊藏之櫃中封閉出納未知始於何時而自變後廢矣

奉類說

○文科式年初試成均館以生貢進士圓點滿三百者取五十人蓋勸進士之居館也養賢庫設於館傍別儲米豆每日給二百人之供而生進等不樂於居館故又立圓點赴試之法圓點三百者許赴館試一百五十者許赴漢城試及鄉試其培養勸勵之意至矣然所謂居館乃欲其晝夜居之侍衛先聖勤勉讀書而今之居館有名無實徒為赴試之圖朝夕坐食堂食訖署名於冊子計其名而置簿謂之圓點或有一

不居宿於館而自其家朝夕往參食堂署名冊子後即還其家者此可謂居館耶壬辰亂後式年不舉圓點亦廢尤可慨也

聽天遺聞錄

仁祖乙亥以疏儒俗挈去館試

○春秋釋奠祭後文武大小官聚會行飲福禮其禮甚盛自一品至堂上三品坐于明倫堂上交椅自堂下三品至九品坐于階上長牀略設饌卓皆起立於卓前以次俯伏興飲飲福盞訖撤去饌卓及交椅長牀平坐于本處各進大盤饌品極豐皆本館備辦堂上堂下各行酬酢又選能飲者別屬以大杯極醉而罷春秋肅祭後亦行飲福禮于訓練院一如釋奠例賜官樂伶妓盛陳歌舞極歡而罷亂後并廢不行

○或問於李滉曰儒生空館何如曰有言責者諫於其君而不能則去可也韋布之士本無言責上章論列非其職也若事關宗祀之存亡吾道之盛衰義不可不言則亦可上章論列其聽與否在於君上豈可必其見聽而以得請為期乎今之館學遇事必上章若不得請則相率而空館空館而猶未得請則又相率而就館去之既非其道就之又無名是甚道理又問空館始於何時滉曰以見於史者言之恐始於宋時捲堂也又曰空館迹似要君

退陶言行錄

○宣祖朝成均館儒生作年齒坐流俗多非之李海壽謂李珥曰齒坐非館中兩宜也榜中尊敬壯元此亦禮俗也豈可坐於壯頭之上乎珥曰壯頭之尊施於榜會可也館中乃明

倫之地長幼之序不可亂也且壯元之尊何如王世子乎古者世子八學尚以齒坐則壯元非兩論也

石潭日記

○光海辛亥太學諸生因事憤激空館而出有一儒生作詩曰嚴霜四月下著我只是狂愚豈有他回首泮宮香火滅杏

壇寥落日初斜

芝峯類說

備

○仁祖元年六月 上欲擇朝臣可為師表者以明教化正士風而難其人詢于廟堂曰古有以實職兼大司成者乎大臣曰鄭麟趾徐居正無之而其後無聞焉乃以鄭暉為兼大司成

暉階崇政後猶兼大司成吏曹據例請遞 上始許遠象

村集

兼大司成鄭暉疏曰宜自今別立規制定為圓點之數凡科皆以圓點許赴則庶望遠近求會才學俱集而朝家取人亦必精矣計點許赴非臣所欲創始此實 先朝已行之規矣

備

○七年以趙翼為兼大司成

備

○金德誠為大司成時儒生輩有不率教者 仁廟遣近侍以御醜罰之諭曰士有三事師生之分重矣况國之定為師表者乎誌狀

○仁祖甲戌銓曹以大司成李明漢首擬副提學 上曰大司成勿為遷動以重師儒之任白軒集

○仁祖特設成均司業以處金長生

○成均館蓋自 列聖朝優待故巡卒及禁吏皆不敢入仁祖朝有一軍校巡夜入泮村 上聞之命治其校

景 ○孝宗朝別置祭酒而不拘資級以宋時烈宋浚吉為之亦有司業鮮于浹等為之朝野記聞

○孝宗六年賜銀杯二具于成均館以手札示館官及儒生曰庸續舊典特賜銀杯非以侈矣欲其久也非以酒矣欲其和也惟爾師生用彰厥義式教勿替

○孝宗九年戊戌諸生各以朋黨名色分坐食堂正言金益廉請罷其掌務官之監視食堂者 上曰此師長之責也不可不飭命罷大司成曹漢英職

備 於是李厚源請從李珥之議為序齒之制 上將行之而諸大臣難之事竟寢

顯宗四年因大司成閔昂重之言始建議行之

肅宗戊午李元楨為大司成以為太學齒坐即李珥之議非古禮也遂罷序齒更為榜次坐壬戌十月大司成趙持謙奏 上復行序齒庚午李鳳徵又改為榜次坐丁丑李寅燬請復行序齒 上命仍為定制

○顯宗四年以閔昂重為兼大司成

○顯宗撤尼院材瓦建丕闡堂一兩齋闢八齋詳僧教

備

○太學有學令載於大學成典 宣廟朝李珣請居齋者一依學令 顯廟朝閔昂重疏論其制又大典有依學令勸懲之文蓋國初之定式也

○肅宗甲寅假注書柳壽芳以儒罰在身不為進參習儀政院啓曰曾在丙寅年間南學儒生等削籍形曹佐即孟世衡仁祖特命定後其儒生因大臣劄而止且於己亥年間館學儒生等削籍承文正字金履樞臺諫以為儒生之削籍朝官實是莫重之舉措仍循此習則朝士之通塞係於儒生之手不可不痛革此習以杜後弊論啓蒙允今此儒生輩違令施罰請令本館速為除罰此後申明禁斷述而

○戊午四月金錫曹疏曰國朝故事元子世子之入學也常以知館事為博士官博士官者即古之太學補弟子貧者之所師也故其陳帛於篚設脩於案者此見師之贄也其曰某願受學於先生者此請師之辭也夫以國君之子儲貳之尊

當齒胃執經之日猶且尊之名之為先生則彼以章縫末品投迹膠庠之間乃曰不為師也此果出於何典而見於何志

邵述而論大提學兼知館事疏

○肅宗三十三年本館典僕其數漸多而泮村甚狹不能容接命以司贍舊基賜之

三十五年命供饋儒生之時勿使女僕代以男僕

備 ○英宗乙卯泮隸輦設山棚張樂於泮村之內 上聞之命有司治成均館八直官之罪兩掌議皆停舉

備 ○英宗戊申 上諭諸生曰曩者逆亂近百儒生幾盡澳散只有數十人云噫養士太學以守聖廟者 祖宗朝培養之意非比尋常而此等小醜猶尚如此養士賢關之意安在哉

噫古有為大賢而受鏃今則聞賊聲而不顧聖廟此非徒諸生之過乃師臣之過也非徒師臣之過實寡躬未能君師之道也

○英宗癸亥酌獻後行大射禮 上發乘矢中三矢翌日召儒生宣醞命撰記文揭板明倫堂五月命建六一閣 既成藏御弓矢及大射諸具

六一者蓋以射為六藝之一也

○成均之官大司成一人外皆以文臣中最卑微者居之而
初登文科者以極選入弘文館其次入承文院不及承文者
歸于成均成均上奉聖賢下教多士多士皆後日任治平之
責者居此者何可如是苟充皆當極一國之望多士之選亦
當極四方之俊秀 國初立法未始不如是而非仕宦進取
之要路漸為無勢冗散之窠且全無選士執館之法進士則
許令自入幼學則入下齋及四學而不以才行薦之京華閑
閱子弟八路有文學名譽者皆羞與相齒而不肯居鄉人有
事到京貧窶無賴之糧者彙錄圖入玷污賢館已不可言而
元無教之道大司成但以朔望無他私故而後乃入館率
在館諸生焚香即出而已此外未嘗入館更無教士之法此

可以興學校教英才而為治平之本乎當以有宿德經明行
脩負一國之望者為師儒之長其餘官皆極一代之進使之
協教之悉令久任長在館以五倫之道訓教諸生分館亦以
極選八成均弘文館次之嚴選士之法不問門地必以通經
術有行義者為舉八學之後詳明教法大畧如胡安定故事
月必考試黜陟則人材可期苑興

平論

四學

備高麗置東西學堂後置經史教授都監令七品以下習業後
揀名儒二人為師後又置理學都監恭讓王置十學教授分
隸禮學于成均館樂學于典儀寺兵學于軍候所律學于典
法字學于典校寺醫學于典醫寺風水陰陽等學于書雲觀
史學于司諱院

備○太宗辛卯置中部學堂東部學堂西部學堂南部學堂掌
訓誨所管儒生有教授二員以成均館叅上分差訓導二員
以成均館叅下分差後增置北部學堂尋罷之減訓導各一
員

從儀禮訓定所提調許稠之言置學堂

○成宗八年丁酉傳于禮曹曰學校須擇師表必須久於其任然後學者有所成就今四學教官不擇其人遷處無常學術不精人亦不專管其有作成之效難矣自今勿論時散擇經明行修為教官又立三十箇月之法以久其任使之專業以副予養人才之意

○世宗九年以魚腊賜五部學 寶鑑

○文宗賜奴婢于四部學 行狀

五學之變以為四在此時而年代未攷

京 ○壬辰兵燹後京中只建中西二學

光海己酉禮曹判書李廷龜啓請重建四學悉復四學如舊

制月沙行狀

○每學儒生各置十員自經甲子之變減為五員丁卯亂後又減為二員 仁祖己巳副學鄭經世奏請增置三人為五員

○孝宗甲午因金益熙言教授各一員改稱兼教授以侍從差

○顯宗辛丑復置北學尋又罷

時毀尼院建北學以南九萬為北學教授董其後歲歉不

備 克成 詳僧教下

○肅宗朝因李元禎言罷兼教授後復置又減分差教授

○肅宗三十年領經籍于四學

讀書堂

世宗始設集賢殿選年少有才行者賜暇讀書

詳

世宗記

○丙午命權採辛石堅南秀文等三人讀書規範受大提學

卞季良指畫

詳

世宗記

○壬戌又遣申叔舟等六人使得優游殿殿大肆其力

曹偉

讀書堂記

申叔舟等賜暇讀書于津寬寺

慵齋叢話

○文宗辛未又遣洪應等六人給暇

曹偉記

讀書于藏義寺

慵齋叢話

○世祖丙子年間集賢殿始罷書堂亦廢凡二十一年

曹偉記

○成宗即位首開藝文館復古集賢之制歲丙申復用

祖

宗朝故事命蔡壽等六人賜暇曹偉記

蔡壽等賜暇于藏義寺常時朝參皆不與焉時謂之文章

接一日班會弘文館吏於司憲府舉案注蔡壽名下云文

章偶脫接字士林皆笑之目為蔡文章設開瑄錄

癸卯春又命金勣等八人賜暇就藏義寺讀書養人致餼酒

人設醴時遣中使錫賚便蕃曹偉記

時命館官分番讀書又於上巳中秋重陽佳節命遊郊外

仍賜酒樂慵齋叢話

癸卯歲以龍山廢佛寺為其所未有名稱尹鉉文會堂記

舊有僧舍在南湖歸厚署之後岡也稱十六羅漢有靈驗香

火不絕有僧尚雲居其舍娶妻生子憲府鞠之罰僧還俗移

佛像于興天遂以其寺給弘文館分番讀書名曰讀書堂慵齋叢話

慵齋叢話

命曹偉作記并額讀書堂三字賜酒樂遣承旨落之上謝箋

加紅帕函舁而前隨以女樂榮君賜也

廢寺改構為堂中宗十年移構在豆毛浦輿地勝覽

○成宗賞賜宮醞以水精盃宣勸而遺之館官鍍金為臺金

駟孫銘曰清不涅虛能受德其物思勿負大東韻玉

後又作序曰盃初無盤倩工造銅質鍍黃金銘盤面四周任

熙載八分字凸盤心書內賜讀書堂五字凹姜士浩篆後為

典守者所竊嘉靖年趙士秀求買於中國以補故事俾官雜記

○燕山甲子廢其制堂遂為宮人所占文會堂記

○中廟中興首復舊規假寓於古淨業院 文會堂記

丙丁間命金世弼等六七人賜暇

○辛未改撰李荇金安國成世昌洪彦弼蘇世讓鄭士龍黃汝獻等七人為長番 尹鉉讀書堂改規議

○乙亥卜基于東湖月松菴之西麓營之次年丁丑春功記
閏四月出寓即所謂湖堂也 文會堂記

○中廟朝甚嚴考課之法著連次不入格則汰之其恩賚寵待不下於玉堂 識小錄

○尹鉉堂上後復賜暇異數也朴民獻堂上後復賜暇

尹鉉字子用 蒲菴 文壯 戶判
朴民獻字希正 北兵使

○自壬辰後湖堂蕩然無存賜暇久廢戊申大提學柳根啓請復設姑以漢江別營為讀書之所

○書堂例以四十前人選差至李後白始以四十得之李爾瞻以四十八得之又破格矣有堂上而仍帶者朴民獻李德馨也 識小錄

○仁祖朝鄭百昌李明漢堂上後仍帶 澤堂集

○肅宗己巳大提學閔黯子閔昌道初不抄八提學柳命天以相避不得與抄之意陳達抄八 澤堂集

備

○國朝用石文致治其簡選之重禮遇之隆至湖堂而極矣非有臺省清譽館閣雅望無以廁乎是選廩給優異太官之珍小府之藏天閑上乘玉珂雕鞍之錫翩，相踵也或中使齋黃封奉御題不時而至立責報章才非七步往，不免窘躓其榮則至矣顧其責重而其任實難也

穀谷湖堂契屏序

備

○盛時賜暇讀書例選十二員分二番直宿大提學日課所製考第以上之月三宣醞則有別製有賞格而堂員皆三司名官數遷及呈告故常不備番數或三四員而止例給一月飯米豆各十五石內瞻寺日供酒各一瓶蔬菜柴炭種是乘駟出八粒二方舟以待宴遊掌樂院供妓樂雜中書舍人司不敢爭先官供朝夕堂員又需索內外官員無敢闕應書吏

九口使隸八口皆受料布臧獲八十餘戶環居堂側澤堂集

○讀書堂在豆毛浦北山椒 成廟賜水精盃 中廟賜仙

桃盃明廟已酉夏宣醞于堂賜螭琥杯螭琥名飲酒軌

戒酒也沈守慶作謝箋其一句曰與水精仙桃而並傳于 成

宗中廟而益顯鄭惟吉寫于堂中故事曰乃寶錄也聽天造

洪天民夫人柳氏夢寅之姊也晚年過豆毛浦適值讀書

堂空仍登覽焉有守直老嫗出示自古傳來白玉杯曰非

湖堂先生不得飲也夫人曰吾雖夫人尊舅春卿為湖堂夫

為湖堂子鳳瑞為湖堂夫之弟民聖及吾之姪柳浦皆為湖堂

獨不飲此杯耶一時傳為美談洪氏家乘

○世宗初以特旨賜暇無定負無定數吏卒供給無定額而

被選之人各自勉學修辭無敢踰侈後乃設官司定規制其

考課著嚴而養不克侈習不克嬉前後作興之效亦可觀矣

承文院

備高麗置文書監進色掌事大交隣文書後改稱文書應奉司
以他官兼

備○國初仍麗制 太宗十年改稱承文院置判事知事僉知
事各一員校理副校理正字副正字各二員

十五年增置博士著作各二員

世宗十五年改僉知為副知

世宗十二年改置判校叅校、勘各一員校理校檢博士著
作正字副正字各二員吏文習讀官二十員

燕山革博士以下

中宗初復置而減叅校、勘校理及校檢一員復改判事為

都提調三員

議政無例

知事為提調無定額副知為副提調一員

或二員並以他官兼

權知副正字無定額

文官登錄者上博士主張分館又任揀擇後例付

備

十九年

改事攝要曰二十年乙酉

增設吏文學官以白衣從事後改為漢

吏學官

實七員預差三員

乙酉南袞啓設吏文學官其制講經史中三書試詩賦論各

一篇員以六為額使受業於同知崔世珍辛丑金安國

建議改曰漢吏學官以七員為額謂之實官又設預差三

員釋官雜記。崔世珍詳譯古

備

宣祖朝減學官四員加設製述官三員

肅宗減學官三員製述官一員

今存二員一文用芸館一陰用曾經學官

寫字官四十員

備國初無寫字官而文臣中善書者為之後以文臣善書者

鮮少故自宣祖朝無論士庶善書者付軍職冠帶常仕

李海龍韓護即其始也

備

○院為事大設也而欽降詔勅之是藏

李淑城題名記

備

○世宗十五年以院在北部陽德坊里混閭巷殊非藏欽降

詔勅敬重之意遂移入禁內別建閣于北隅以藏之

英宗四十六年各設一閣於兩闕承文院內奉安國朝以來

詔勅御書閣彌以揭在慶熙宮曰敬奉閣在昌慶宮曰欽

奉閣

○承文院在平時文書監進日有宣醞舊有記事詩

校理趙安貞口

占曰監進文書日提調各散回乾瘴一口割宣醞兩尊開呼

大先生飲請諸僚長來高靈鍾上下不覺玉山頽高靈鍾乃院中古咒容酒十八升相傳申高靈叔舟所飲或疑高靈地所產云古事今不可復見矣 芝峯類說

文書考覈之日提調齊坐監進內資寺供酒司宰監供脯宣訖散去即廳仍坐設酌 慵齋叢話

○國朝以事大為重故堂下文官稱隸習官悉屬槐院每朔二日副使提調會坐勸課吏文則有旬題白日場漢語則有別抄又有庭試殿講以之賞罰近來解弛提調會坐日或有稱病不來者極為寒心 芝峯類說

○承文院提調必極選當世文望之人以授之萬曆丙戌年間李晬先初仕本院其時都提調盧守慎鄭惟吉柳堧提調

李山海鄭琢柳成龍李陽元黃廷或尹卓然尹毅中副提調權擘丁胤福李誠中也雖以崔宣之文才壬辰亂後始除提調而竟亦辭連洪汝諄用事之時亦不得為提調至於副提調踰為公事提調例不過三四員而近年副提調多至十餘員又在前提調為承旨則減下提調而近年以來承旨兼差非故事也 芝峯類說

○平時槐院在景福宮先化門內有藏書閣極高峻藏置天朝誥勅諸書備三員開閉凡新官被揀者題名于閣下仍行大宴謂之題名宴其自本院為翰注者謂之西飛以槐院在東故也尹仁涵 參判 為正字時有詩曰登科三載後猶不免曹司每受無端責難堪有口飢乃記實也 芝峯類說

○院中負多料少當畫只點一飯菜盃一罍時有譏之者曰
盤中破鉢大如舟糲飯參差少雉頭腹未果然還自怒騶童
曾不瀝餘休前銜文士束作學官因此得職者頗多時人謂
之活人院其後申叔舟兼判禮曹啓請優給俸料由是稍贍
焉 慵齋叢話

○宣祖至誠事大凡於表咨文字必親加考閱未嘗泛過而
槐院諸臣不能仰體 聖意不自製進專委之於製述官許
澁澁賤孽也識見多不逮其所結撰或不能稱旨 上累下
嚴教至曰公卿置國事於相忘之地而惟一許澁擔當勤勞
哀哉仍命賜澁某物蓋以激責羣臣也 公私見聞

校書館 香室附

備 弓裔泰封置禁書省

高麗內書省改秘書省秘書監典校署又陞為寺

備 ○太祖置校書監掌印領經籍及香祝印篆之任又置書籍
監後革

備 ○太宗改為校書館定提調二員 其一大學例兼 判校 他官兼 校理

別坐各一員別提博士著作正字副正字各二員

世祖朝用高麗舊號稱典校署 成宗十五年復稱校書館

燕山改博士以下并以他官兼 中宗初復舊後減判校別

坐別提增置兼校理三員

英宗二十六年權減兼校理

司准八員今作唱准十四人以生徒取司勸一員今作補字官

備

○署名古稱秘書監或稱校書館稱弼雖不同所職則專以雕印典籍以廣布于中外國初創置以藏四書五經與諸史子集板刻世宗朝大明欽賜新撰四書五經大全及性理大全等書上命慶尚全羅鏡諸梓輸于本館李承召記

備

○又置香室於禁中以本館叅外郎更日直宿有月令忠義衛二員書寫祝文

致仕奉朝賀賜九杖附

國朝堂上正三品以上官年七十者許致仕稱奉朝賀定十五員

備

○太宗十六年首相河崙請行致仕之法上詢諸臣趙末生對曰七十致仕古之良法凡年至而請去者聽有問則召馬上從之

備

○成宗朝領降大典定奉朝賀耆老兩堂上只於正至誕日以常服肅拜堂上官致仕者該曹該邑月致酒肉

○經國大典載致仕之臣賜九杖之法不知此法起於何時歷考前史皆無此禮相傳高麗權臣崔忠獻貪權固位欲久執國命年及致仕故別立此禮厥後循踵遂為成例固非聖

王所制萬世通行之法也 東臯集

○世宗十一年柳寬以右相致仕命給茅四科祿終其身 東

閣雜記

○李貞幹以嘉善致仕 世宗命陞資憲拜中樞院使降璽書賜几杖几杖非徑贊成不得而獨以孝行得之 芝峯類說

○左尹李燦暮年謝病家居不受祿大臣沈連源尚震等白為奉朝賀受祿以終其身厥後府尹李彥深年八十欲得奉朝賀吏曹以無前例不許其不曉故事甚按吾學編曰皇朝之制凡乞致仕者不限年聽京官七十外官六十五致仕乃養廉恥之道也我國士大夫年至退休者絕少而至於奉朝賀法典所載而亦不舉行可歎 芝峯類說

○七十致仕法也而 祖宗朝以來致仕者蓋鮮大臣請老則賜几杖而已近世宰相致仕者惟八溪君鄭宗榮領府事沈守慶鄭琢寧原君洪可信 芝峯類說

○顯宗戊申李奎齡啓曰領中樞李景奭以三 朝元老年今七十有四而事上之誠益至凡於起居之列未嘗不造而筋力不逮行步艱難宜用 先朝故事特加優老之典 上詢諸判府事宋時烈仍命賜几杖遂以十一月 二十 授几杖教書命賜內外宣醞一等樂諸公卿以故例咸造翼日進箋

補謝 白軒集 ○完平李元翼後五十年莫之行今始克舉其 亦感矣

○忍齋洪暹 宣祖癸酉受几杖完平李元翼 仁祖癸亥受几杖林塘鄭惟吉 受几杖

○古者大夫七十致仕若不得謝則錫以几杖後世此禮漸廢國朝惟三公年至者有是賜亦甚稀潤

松谷集

○肅宗朝顧相權大運右相許穆皆授几杖之賜

○肅宗九年領府事宋時烈致仕教曰大臣致仕事體似當有別不必以常例為拘酒肉之外月致廩粟可也仍為例

○英宗二十一年江華留守李秉常致仕因相臣所奏加賜米豆正卿之月致米豆始此

諸司

備宣惠廳國初初置常平廳專管五站勅需郎廳一員以蔭官

差

宣祖朝改稱宣惠廳 詳大同典故

備均役廳 八大同典故

備濟川司 英宗庚辰初置濟開川禁護四山之事都提調三

員 議政兼提調六員 備局提調兵判判尹都廳一員 御營千即

廳三員 三道

濟川首尾凡五十七日役夫坊民十五萬雇丁五萬餘費錢
三萬五千餘緡米二千三百餘邑而功始告訖

備 忠翊府 八志勳府典故

司饗院高麗尚食局改司膳署

○太祖仍置司膳署掌御膳闕內供饋等事後改置司饗院

○每歲遣司饗院官於廣州分左右邊後春至秋監造瓷瓦輸納于御府錄其功勞而等第之優者賜物 世宗朝御瓦

專用白磁至 世祖朝雜用宋磁求回青於中國畫樽壘盃觴與中國無異然回青罕貴求中國亦未多得朝廷議曰中國雜窮村茅店咸用畫瓦豈皆回青所畫應有他物可畫者訪於中國則皆曰此土青也然所謂土青者亦未求得由是我國畫磁數少 慵齋叢話

備 ○英宗庚寅四月臨厨院召都提舉以下賜饌越三日崇政

殿月臺受謝箋六十年前六月十二日即在潜邸時厨院都

提舉恩點日也

備 尚衣院高麗尚衣局掌服署恭讓王併於工曹

高麗又置中尚署掌御用冠玩後改供造署

○太祖因置供造署後改尚衣院掌供御衣櫛及內府財貨金寶等物

○尚方為職有似乎成周之內府玉府而周書立政所稱綴衣為尤近之 金萬基記

備
尚瑞院高麗知印房或稱政房或稱劄子房改尚瑞寺又置符寶即改印府即又承旨房改為印信司

○太祖因置尚瑞司掌璽寶符牌節鉞後改司為院詳符璽典故

備

內醫院高麗尚藥局改掌醫署奉醫署尚醫局併於典醫寺

○太祖置典醫監後分置內醫院掌和劑御藥

孝宗辛卯增置鍼醫 顯宗癸丑增置議藥同參

堂上醫官稱御醫堂下醫官稱內醫堂下中術業精通者特差御醫以東班遷轉遞付者稱兼官議藥同參鍼醫無論堂上堂下并稱御醫

備
掌樂院新羅聲音署大樂監

高麗大樂署典樂署恭讓王別設雅樂署習宗廟樂歌

○太祖置典樂署雅樂署 世宗以雅樂屬太常寺設慣習都監教閱鄉唐之樂

世祖戊寅始置掌樂署合三樂雅鄉唐于一司掌教閱雅俗樂

○祭壽以吏曹正郎兼掌僉正以解音故仍兼容齋集

司譯院乃商泰封置史甚掌習諸譯

高麗通文館改漢文都監

○國初置司譯院掌譯諸方言語事大交鄰有漢學清學蒙學倭學

○宣祖接見天使時令通事傳語曰諒我國衷曲明泰皇上是所望於大人天使曰敢不贊襄通事未及解時李德馨侍坐即以贊襄啓達 上奇之自是凡天使之來必有文臣通事

○李元翼李景奭俱解漢語為提調院官之未必以漢語酬酢金德承伍望在中下而每無漢學教授以其能漢語也

○閔昂重廣選四學年少有才者名以偶語廳以漢人文可

尚鄭先甲白于朝廩食為漢語訓長又出各學訓長日會公解禁鄉語勤講習時復親試

○漢學無教授無論名望有無必擇解漢語者使教習生徒如金德承雖非極望久無教授其啓下文書例曰曉解漢語今則名官無以漢語為事者而望重則為之崔錫昂以李肇啓差曰吾知李君之不通漢語而乃啓曰曉解漢語此亦欺君也仍大笑

南侍直聞見錄 通文官志

備

司僕寺新羅乘府司馭府○弓裔飛龍省

高麗太僕寺改司僕寺又置尚乘局掌內廐改奉車署恭讓王併於重房又置典牧署

○太祖因麗制置司僕寺掌輿馬廐牧等事兩管牧場并詳監牧官

雜職安驥調驥理驥保驥理馬

○國初置內司僕寺掌內廐御乘有內乘三負其一外寺正兼慶熙宮移御時增置一負

○肅宗甲子金壽恒奏曰內乘所騎乃是御乘故故事內乘下馬則雖宰相亦為下馬蓋出於式路馬之義也近聞堂上臺諫以內乘之不為隱避至於囚禁御乘宰夫事體未安今後則內乘雖見堂下臺諫請依例勿避 上從之

○肅宗乙卯崔後亮辟司僕僉正時世道已變未幾呈病辭通寺中老吏相謂曰本寺僉正數月自免於今初見云崔陵碑完

○內乘出入廐御乘道中通職則下馬

備內資寺高麗大官署掌祀宴膳饌後膳改官署又置雲臻倉
併於富興倉尋改為義成倉又改內房庫

○太祖置義成庫 太宗改為內資寺掌內供米麵酒醬油
蜜蔬果內宴織造等事

備內贍寺高麗德泉倉改為庫

○太祖置德泉庫 太宗改為內贍寺掌諸宮殿供上二品
以上酒及倭野人供饋織造等事

備司導寺高麗備用司改料物庫

○太祖因置料物庫 太宗改供正庫後改司導寺掌御廩
米穀及內供芥醬物

備禮賓寺新羅倭典領客府司賓府

弓裔奉賓部○高麗禮賓省改客省典客尋改禮賓寺

○太祖仍置禮賓寺掌賓客宴享宗宰供饋等事

太宗癸未義順庫併於本寺

○國初以大臣宣飯所掌創置本寺而宣飯革廢年代未詳

○太宗聞禮賓寺以陳米養池魚召問之對曰月費十斗

上曰米雖陳腐不猶愈於菜蔬乎人有飢饉而不能救何用

養魚其罷之寶鑑

備 通禮院新羅司範署○高麗通禮門掌朝會儀禮改閣門使
祇候等官又置司儀署掌贊禮

○太祖因麗制置閣門掌朝賀祭祀贊謁等事後改為通禮
門後改門為院

○英宗癸酉教曰大典朝儀則贊儀稱典儀世子行禮則引
儀稱掌儀世孫行禮則引儀稱司儀百官行禮則引儀稱導
儀

備 掌隸院高麗都官後併於讞部

○太祖因麗制置刑曹都官掌奴隸簿籍決訟之事
世祖改為掌隸院

英宗甲申革罷還屬刑曹本院今為保民司 保民司見下

備 宗簿寺高麗殿中省掌族屬譜牒後改為寺又改宗正寺宗
簿寺

○太祖置殿中寺掌親屬譜牒及殿內給事等事後改宗簿
寺掌撰錄璿源譜牒糾察宗室愆違之任

○世宗己未教曰宗室僕隸豪橫民間無禁制故也古者宗
正掌親屬糾察愆違自今宗親過失令宗簿寺糾理

備奉常寺新羅典祀署○高麗太常府改奉常寺改典儀寺太常寺

○太祖置奉常寺掌祭祀及議謚等事

太宗改為典祀寺 世宗復稱奉常寺

^備分奉常寺高麗司農卿掌供梁盛後有典農司出使者稱務

農鹽鐵使尋改為積儲倉復置司農寺又置籍田官隸本寺

○太祖因置司農寺掌耕籍田穀及祠祭酒醴陳設犧牲等事

太宗改稱典農寺掌供梁盛後併於奉常寺稱分奉常寺東西籍田屬焉

○世宗朝內侍別監金元孝進舜穀三十穗賜角弓一張元

孝嘗於八朝人得種培養以進莖如林穗如蒲黃實如粟上命於內農所東西籍田種養

^備司宰監高麗司宰寺掌魚梁川澤改司津監司宰監

○太祖因置司宰監掌魚肉鹽燒木炬火等事

○世宗朝戶曹請以司宰監陳魚腊給民收價 上曰是與民爭利也命給成均館五部學生

^備典醫監高麗太醫監司醫署典醫寺

○太祖置典醫監掌醫藥供內用及賜與等事

○宣祖^{三十七年}置治腫廳掌治腫後併于典醫監

^備廣興倉新羅左右司錄館又有廩典後天改樞司

高麗太倉署又置左倉掌百官祿俸後改廣興倉

自播遷以來祿轉出納不任倉官別立一所謂之祿轉色又以調度不恰增歛民戶米豆名曰無端米

^備○太祖因置廣興倉掌百官祿俸

長興庫高麗大府上庫為長興庫

○太祖因置長興庫掌席子油菴紙地等物

太宗三年興信宮併於本庫

^備義盈庫高麗義盈庫

○太祖因置義盈庫掌油蜜黃蠟素物胡椒等物

太宗三年延福宮併於本庫

^備水庫本朝置東水庫西水庫掌藏水東庫供祭祀西庫供御

厨領百官

○東水庫在豆毛浦只有一庫以供祭祀之用其藏水時奉

常寺主之與別提二人同力檢察又有監役部將伐水軍官

監取於楮子島之間所以避開川下流之汚也西水庫在漢江下屯知山之麓庫凡八棟諸國用諸司諸宰樞皆須用之軍光寺軍資監禮賓寺內資寺內贍寺司贍寺司宰監濟用監主之與別提二人同力檢察又有監役部將伐水軍官其餘諸各司分屬於八棟水堅四寸然後始役

慵齋叢話

備

宗廟署高麗太廟署改寢園署屬典儀寺

○太祖置宗廟署掌守衛寢廟

詳宗廟典故

備

社稷署高麗社稷壇

○太祖置社稷壇後改為署掌灑掃壇壝

詳社稷典故

備

平市署新羅東市典西市典○高麗京市署

○太祖因置京市署掌勾檢市廛平斗斛丈尺低仰物貨等事

○新羅炤知王十二年庚午始開市肆

備 掌苑署弓裔植貨司○高麗內園署

○本朝置掌苑署掌苑園花果

備 典牲署高麗掌牲署

○本朝置典牲署掌養犧牲

司圃署本朝初置掌園圃蔬菜

備 造紙署本朝初置掌造表箋咨文紙及諸般紙地

○世宗設造紙署監造咨文表箋紙又造印書諸色紙其品不一有藁精紙柳葉紙柳木紙薏苡紙純倭紙皆極其精所印書籍亦好今則只有藁精柳木兩紙而已咨文表箋之紙亦不類昔之精也 慵齋叢話

備 觀象監新羅漏刻典天文博士作瞻星臺

高麗太卜監太史局司天臺後改為監又改觀候署書雲觀

○太祖因置書雲觀掌天文地理曆數占筮測候刻漏等事

○世宗七年以天文秘密不可使禁漏之人亦並隸習分置

禁漏四十人十五年因禮曹奏依中朝欽天監挈壺正無掌

禁漏例復以禁漏屬於天文後改為觀象監

○有天文學地理學命課學禁漏官三曆官

○教授一貧文臣兼有時自辟後罕有天變則以文臣權差

○欽敬閣 詳 世宗朝

○宣祖朝建欽敬閣報漏閣於昌德宮

○英宗 六十四年 建閣于觀象監藏天刻天文圖復名曰欽敬

軍資監弓裔納貨府物藏署

高麗物藏省改少府監內府監改福寺恭讓王革置軍資寺改轉輸都監

○太祖置軍資監掌軍需諸積

濟用監高麗雜織署後併於都染署為織染局恭讓王又置濟用庫尋併於寶源解典庫

○太祖置濟用庫改為監掌進獻苧麻布皮物人蔘賜與衣服及紗羅綾段布貨綠色八染織造等事

繕工監新羅工匠府○弓裔南廂壇

高麗將作監改繕工監改為司以小府宮闕都監倉庫都監燃燈都監國贖併焉又置都校署雜作局恭讓王併於繕工

○太祖置繕工監掌土木營繕

○本朝又置紫門監掌闕內營繕以監役官一員分差主管

○世宗朝戶曹以繕工監所儲炭將盡請令州郡預納明年貢炭 上曰今方歲農之時不可役民姑省之以待秋成乃命條錄用炭之數親減內用炭數十石仍命承政院計一年所用量減之所減柴炭甚多民賴以息 寶鑑

養賢庫太祖因麗制置養賢庫掌供成均館儒生米豆詳成均館

局 惠民署高麗惠民局改為司醫署所轄恭讓王改惠民典藥

局 ○太祖置惠民庫局後改為惠民署掌醫療民庶疾病及教習醫女 仁祖十五年革罷併於典醫監尋復置

○揀各司各官年少婢子屬惠民署教醫書名曰女醫以治婦人之疾慵齋叢話

○太宗六年知濟生院事許衡上言婦人有疾使男醫診治或懷羞愧不肯出示其疾以致死亡願擇倉庫宮寺童女數十人教以脉經鍼灸之法使之救治則庶益 殿下好生之

德矣 上從之

歸厚署太宗初置掌造棺槨供禮葬等事

○因左政承河崙議 上命有司出米三十石五綜布百疋使設棺槨所于龍山之澗且給臧獲六十口所以優使令也土田五十結所以支供億也其命厚歸所者蓋取諸民德歸厚之意也

尾署新羅瓦甃典陶登局○高麗諸甃直

○太祖置東西甃直後改為瓦署掌造瓦磚

典獄署高麗典獄署後改大理寺後復舊

○太祖因置典獄署掌獄囚

圖畫署新羅彩典改為彩典署

○本朝置圖畫院掌繪畫之事後改院為署

典設司高麗尚舍局掌供鋪設改司設署又署守宮署掌供
帳幕

○本朝置典設司掌供帳幕

保民司英宗四十年初置保民司於舊掌隸院掌刑曹漢城
府贖錢先是刑曹漢城府負役無料無布發禁牌拉亂屋不
計當否勒徵贖錢為都民痼弊者久矣至是置保民司於掌
隸院舊廨秋曹京兆所捧贖錢盡為輸入以備兩衙門負役

朔布之資永罷亂屢之禁嚴防濫贖之弊

內需司本朝初置掌內用米布及雜物奴婢詳宦官典故

長生殿世宗以舍人鄭陟言初建詳鄭陟下都提調顧相例

無提調三員戶禮工判書無即廳三員戶禮工即廳無

內侍府宦寺之府掌大內監膳傳命守門掃除之任

掖庭署掌傳謁及供御筆硯闕門鎖鑰禁庭鋪設之任

陵官園初各陵皆有直世祖朝改為叅奉二員以陰臣差

其中一員後或陞令或陞別檢或陞直長奉事別檢以文臣
差令或文或蔭

園墓官順康昭寧園置守奉官諸墓置守衛官

內侍教官本朝置二員掌訓誨宦侍

童蒙教官本朝置童蒙訓導一員掌教訓童蒙後改稱教官
增為四員

孝宗朝宋浚吉疏請增置四員分差各二員於四學勿論士
大夫凡民子弟一體訓誨 上從之後減為四員

備

革罷諸司

濟生院國初趙浚等初置濟生院裒集諸方又聚東人經驗
者名曰鄉藥濟生集領中外權近跋

海東雜錄

備

○太祖六年初置令各道每歲輸納鄉藥材如惠民局例後
革年代未攷

宗學世宗庚午初置掌宗室教誨之任導善一人典訓一人
司誨二人並以成均館司成以下典籍以上無 太祖之孫
凡屬宗籍者皆令受學燕山革罷 中宗初復置後又革年
代未詳

○世宗建宗學選有文行者為博士以教宗親

豐儲倉高麗左右倉改為豐儲倉○太祖因置豐儲倉掌米

豆草莞紙等物後革罷併於長興庫

義鹽倉高麗置義鹽倉○太祖因置掌鹽稅事後革

架閣庫太祖因麗制置架閣庫掌收貯圖籍事後革

解典庫高麗寶源解典庫○太祖因置解典庫掌典當事後

革

司醞署高麗良醞署掌醞署司醞署○太祖因置司醞署掌

酒醴事後革

^備司畜署高麗典厩署後改為典儀寺所轄○太祖因置典厩

署掌飼雜畜

仁祖朝革罷後復置

仁祖朝丙子亂後裁省用官革司畜署合於典牲署二十七
年以典牲為祭享司畜為客使似當區別且祭享犧牲多不

如前司畜署雖未復設似當合於禮賓命禮官議稟禮曹奏
曰典牲司畜同是畜物衙門故亂後權為合設今者犧牲不
能如前肥澤誠為欠缺宜有變通而禮賓則無畜物衙門合
於禮賓似未便 上以事係起廢復設命議于大臣遂寢其

議

英宗四十三年教曰汰冗官三字朱子特書綱目今日乃知
司畜署只有名而無其實自今減省遂革罷

昭格署本朝置昭格署有三清殿掌三清星辰醮祭

○松都誌宮城北麓有昭格殿舊基高麗亦有是官而史失
其傳歟

○昭格署罷復後遂革罷

并詳

中宗己卯

○昭格署皆憑中朝道家之事太一殿祀七星諸宿其像皆被髮女容也三清殿祀玉皇上帝太上老君普化天尊梓潼諸君等一餘位皆男子像也其外內外諸壇設四海龍王神將真府十王水府諸神題名位版者無慮數百獻官與署員皆白衣烏巾致齋以冠笏禮服行祭，奠諸果饗餅茶湯與酒焚香百拜道流頭冒逍遙冠身被斑斕黑衣鳴磬二十四通然後兩人讀首經又書祝辭於青紙而焚之其所謂有司兒獻而朝廷設官任職虛奉祿祀一祭所入其費不貲成倪作詩曰南宮學士髮星々白眼烏巾若乞靈却怕朋僚爭指笑老君來禮老君庭

慵齋叢話

○捲草禮

太清觀高麗置太清觀主藏毒蟲凡出征必禡于本觀○太祖因置判官後革罷活人署高麗東西大悲院又置濟危寶定副使○太祖因置東西大悲院後改為東西活人署掌救活都城病人

肅宗三十五年移屬惠民署

○本朝有閔正署初革年代未詳而今則正現屬於活人署革罷時或併於活人署歟司贍寺高麗濟用司改資贍司資贍楮貨庫尋罷○太宗置司贍署掌造楮貨及外居奴婢貢布等事仁祖丙子亂後革罷屬於濟用監甲申戶判鄭太和建言復置肅宗乙酉吏判李頤命奏曰司贍寺奴婢貢木今則移屬於戶曹官負

無所掌而只守空衙減省為宜左相李奮曰論治道以省冗官為先 上從之遂革罷屬於戶曹補以司瞻色 版籍即無管

內府寺太祖因麗制置內府寺掌府藏貨財出物服飾鋪陳燈燭等事後革年代未改

都染署高麗都染署後併雜織署為織染局後又分為都染署○太祖因置都染署掌染造事後併於濟用監

典艦司新羅利濟府改為船府○高麗都府署掌兵船軍改司水署○太祖置司水監掌營修戰艦監督轉輸等事後罷屬於工曹海運水運判官隸於戶曹

壽昌宮提舉司太祖置壽昌宮提舉司掌掃除管籥等事後

革罷

景福宮提舉司太祖置後革

敬德宮提舉司太祖置後革

典消司本朝置典消司掌消治宮闕之任後革併於繕工監修城禁火司新羅京城周作典後改修城府○弓裔障繕府

○本朝置修城禁火司掌宮城都城修葺及宮闕公廨坊里各戶救火等事後革罷禁火屬漢城府夜則住 巡廳 主管 修

城屬兵曹

禮儀詳定所國初因麗制置禮儀詳定所或稱儀禮詳定所有提調許稠常兼之革罷年代未詳

延慶宮提舉司國初因麗制置延慶宮提舉司 太宗革罷

併於軍資鑑

敬興府太祖置敬興府掌中宮僚屬後革

東宮僚屬

備

侍講院太祖置世子官屬掌侍講經史規諷道義後改為侍

講院師一員

兼領議

傳一員

左相或右相兼

貳師一員

兼贊成

左右賓客

各一員左右副賓客各一員

并以他官兼

輔德弼善文學司書說

書各一員後增置兼輔德兼弼善兼文學兼司書兼說書各

一員

翊衛司太祖置世子官屬掌侍衛等事後分置翊衛司左右

翊衛左右司禦左右翊贊左右衛率左右副率左右侍直左

右洗馬各一員

附講書院世孫官屬職掌與侍講院同 世宗三十年始置

仁祖二十七年復置 英宗二十七年復置三十五年復

置左右諭善左右勸讀左右翊善左右贊讀各一員師傳各一員

附衛從司世孫官屬職掌與翊衛司同設置與講書院同左右長史左右從史各一員

備睿宗在儲宮成俊為講官及即位浚適以掌令見罷特命復叙銓曹啓無缺員 上曰侍講院雖罷其為俊別設弼善以授之名臣錄

○中宗辛丑金安國特命兼世子貳師非久即逋因東宮上請命復侍書筵講易辭曰頃叨貳師已投降階之禮今則釋任安敢當此 上命宜略其禮復辭曰 世子曾以貳師待臣今若待以殺禮前後異禮待師之禮所關非細 上曰

御言果是其依貳師禮行之固辭不獲

湖陰集眉叟記言

○春坊下番八侍之員於世子所授之書與其左右講論之辭出而記書於單子以呈政院轉啓上殿乃舊例也 仁廟在東宮幾三十年聖學日躋三時書筵之外又有夜對又有不時接見下番寤於追記持筆硯八侍如上殿之有史官賓客任權告於東宮曰書筵之言有所遺漏固無所害而簪筆八侍乃上殿事也逼於上殿之事雖小不可僭也自此遂廢 松窩雜記

○李荇為博士官博士官乃師傅之職講筵 世子問及治國之事荇曰此非今日所當問因陳孝敬之道論者服其得

體 行狀

○明宗設輔養官

八

明宗記 順懷世子下

^稟○順懷世子時師傅賓僚進見者皆不稱新臣授之負謝恩於東宮不書臣字 仁宗在東宮時亦然凡春坊之官不曰

東宮之臣而曰官僚蓋上有君父國無二尊故也今於蕩敗之初執政者不究 仁祖累朝遵行之規只據五禮儀稱

臣之文遽變其禮進見之負必為稱臣謝恩單子及文書之間皆書臣字蓋已卯諸賢講明禮文靡有墜廢而其時不書臣字其於改定論議必有成說今未得見可恨 松窩雜記

○宣祖朝以前春坊及大臣每稱小人於世子未知自何時稱臣 晦隱集

^備○仁祖丙戌左相金尚憲上劄言博選方正篤學聲實已著

之人不恨科目別立官稱俾得出入於資善之地於是倣宋

朝故事增置贊善 序於輔德之上 翊善 序於文學之上 諮議

序於說書之下

以金集為贊善宋時烈為翊善李惟恭為諮

議後改翊善為進善 彙言曰丁亥金集為贊善

○孝宗朝有言官官之稱臣於世子非古禮判李厚源引漢

唐故事及五禮儀明其不然 李厚源墓表

^稟○翊衛司世子出則前導講官會講則侍立階下至成文瀆為洗馬講官請令陞座備講 元菴集

○金佑明之女揀為 世子嬪將行嘉禮拜佑明為洗馬既行嘉禮之後轉侍直至副率 三官記

元子府

王子師傳

王孫教傳并附

備太宗二年置敬承府命擇儒臣有文行者為元子僚屬以趙叙金時用為左右諭善李公義李陽明為左右侍學金訓洪汝方為左右同侍學營元子學宮于成均館東北隅朴錫命曰元子八成均館則誰得以訓之哉莫如闕內 上曰雖闕內誰得以訓之莫如成均置元子府號敬承

○元子元孫在冲年則設輔養廳或稱講學廳選輔養官二員

○仁祖朝特設元子講學官以虜金長生

○有大君王子則置師傳有王孫則置教傳

○明廟丁卯 上念無嗣別擇儒士教誨諸王孫欲觀其學

文之成就以擇可者韓胤明鄭芝衍與其逆
明石
廟譚
遣日
逸記
下又
詳









